


大庾縣志



民國十二年春月大庾縣知事譚雄駿督匠印刷

# 大庾縣志

大庾縣志 卷之二

中  
華  
民  
國  
十  
二  
年  
春  
月  
大  
庾  
縣  
知  
事  
譚  
雄  
駿  
督  
匠  
印  
刷

序

大庾居江西全省最高地勢爲南路最要門戶山川形勝古稱天塹地靈人傑文明斐然顧以邊徼險要用武必爭創痛屢經風景凋殘而典章文物率蕩然無遺民國肇興國是靡定萑苻不靖民生多艱余於五年春奉命帥師來保茲土北陟盤龍南巡梅關欲詳其道里窮其山川以資防守搜求邑志雖有存者已殘缺不全形勢罔稽深爲致慨八年秋邑宰薛君夢梅忽袖邑志稿問序於余余觀其爲書經始於前任吳君毅諳而告成於薛君信者增之疑者缺之釐其謬誤益以新典秩然其有倫也錯然其有章

大庾縣志

卷之二序

也而一邑險要不窺戶而可知四至輪廣如指掌而斯在實爲余所軒渠狂喜而不自持也抑吾聞之邑之有志君子所以觀政也政所以治民而民咸生斯土將欲觀風氣之所宜民俗之所尚非是無所證也將欲考孔教之興替食貨之豐嗇非是無所徵也將欲鑑政治之得失斟酌損益爲民生謀幸福爲國家進富強非是無所資也則斯志之成豈僅爲行軍之一助實亦爲官斯土者所資爲實鑑也夫皆

民國八年歲次己未暮秋月駐防大庾陸軍第二混成旅旅長中州王獻廷碧岑甫謹序

序

大庾爲江西上游之屏藩猶九江爲江西下游之門戶也  
邑居大庾嶺北故縣以嶺名至唐張文獻公鑿嶺開闢大  
道南通百粵道旁多植梅又名梅嶺自宋以來文明頓進  
風氣大開所以宋明清人物後先輝映連綿不絕非山川  
靈秀之所鍾歟當歐美文軌未交通時代庾當江廣之衝  
商業繁盛至前清海禁盡撤舶來品及各省土貨之由庾  
渡嶺者悉改道海而南商務一落至今不振然風俗不尙  
浮華民情敦厚尙稱儒雅之邦余於丙辰春奉令率隊駐  
防斯土迄今四載地形攷察畧得其詳所謂兵要地理者

大庾縣志

卷之二

序

二

首以大梅關爲險要居高臨下兩旁皆山一夫當關萬八  
莫敵雖有飛將不能渡也其次小梅關游仙墟均可守險  
再其次則舉林右源河洞內良亦爲兵防要地戊午春軍  
興進戰退守根據不搖益知純爲地理上之關係今幸和  
議進行休養士卒適大庾新志告成邑宰薛君夢梅索序  
於余是志也前知事楚鳳吳君毅諳提倡於前薛君繼成  
於後舊志失修距今五十餘年其間風俗人物政事不無  
變更盛衰得失之異前後得兩賢邑侯斟酌損益勒成信  
史使一代文獻爲宋杞之足徵不於斯志有賴也乎民國  
八年九月陸軍二旅三團團長楚黃楊鎮中玉屏氏謹序

序

縣之有志猶國之有史國無史則一代之禮樂刑政制度典章因革損益論政者無以會其通縣無志則一邑之風化土俗士習民情敦龐澆漓爲治者無以探其源古者輶軒之使採風問俗籍以爲觀政之資者此物此志也是以賢牧令下車伊始他務未遑每先於縣志加之意豈非以前言往行足以昭示乎來茲者深可奉爲龜鑑也哉大庾居江廣之衝爲贛省西南屏蔽其邑之著者有大庾嶺嶺以上多植梅因又號爲梅嶺城居大庾嶺北縣故以嶺得名是邑也南通百粵北控三江爲巖疆之鎖鑰古稱南服

大庾縣志

卷之

序

三

五嶺庾嶺實居其一其磅礴之氣巍峩之形蒼翠古雅之致誠無愧爲山水靈秀之區而爲留心治道者所急欲得而考證者矣無如代遠年湮兵燹凋殘其幅員之廣狹土地之肥瘠戶籍之衆寡財賦之盈絀以及賢士大夫之嘉言懿行忠孝廉節之遺徽芳躅故家遺俗流風善政舉凡有裨於政治有關於風教載諸志乘足以輝映乎當時模範於後世者幾等於宋杞之不足徵縱有一二收穫亦如寒泉碩果而不得有全豹之窺欲藉以酌古準今師往事而資治理焉不憂憂乎其難之哉楚鳳吳君毅諳於丁巳歲來守是邦見夫舊志零落心焉憫之爰集邑紳共謀纂

修學劃經營不憚勞悴廼事未半遽奉調遷之命幸薛君  
夢梅以選拔才繼領此篆重加審訂廣爲搜集信者存疑  
者闕仍其舊而新是增務期盡善盡美庶幾可傳可久雖  
踵事而增華實後來之居上至己未秋其書始慶脫稿問  
序於余余武人也愧不能文無以闡發駿業頌揚鴻功爲  
是志增品題之價然於我心有戚戚焉民國肇造競爭日  
烈有守土之責者苟地勢之險要不明山川之形勝未諳  
亦兵事上之一大缺點睹此煌煌鉅製兵要地理瞭如指  
掌未始非聊固吾圉用以保民之一助焉至於鑑古鏡今  
移風易俗納斯民於軌物臻郅治於上理胥於是志取師

大庾縣志

卷之二

序

四

資者則尤賢牧令之所當有事者矣是爲序

駐庾陸軍第二旅第四團團長古滄洲劉玉崑甫景山氏  
謹序

序

閒嘗溯章江之源陟庾嶺之巔與彼都人士遊見其彬彬  
質質美秀而文揖讓有禮每低徊留之不能去蓋亦山川  
間氣所鍾而開天地文物之化歟及攷夫志乘乃知是邑  
即古橫浦地唐宋以來名賢碩彥代不乏人至戴氏叔姪  
狀元宰相誠造物者鍾靈於是 unlimited 於巖邑也地居江廣  
之衝跨章江兩岸雙城對峙爲贛省上游之屏藩南控百  
粵北扼三江其最形勝者爲大庾嶺因嶺上多梅亦號梅  
嶺崗巒巍峩直挿雲霓磅礴鬱積庶幾有隱君子乎自唐  
宋張蔡兩公鑿道置關而後巖疆鎖鑰爲用武必爭之地

大庾縣志

卷之一 序

五

以是兵燹迭遭民氣凋殘版籍蕩湮求幅員之輪廣山水  
之勝跡與夫往昔賢之遺徽芳躅而文獻難徵不無宋  
杞之感焉且自清代咸同之後邑志廢修其間繼起之忠  
孝節義濟濟繩繩若不有以收入志乘亦恐代遠年湮泯  
沒不彰將何以發幽光以昭示來茲耶楚鳳吳君毅諳於  
丁巳歲來牧是邦深有鑒夫邑乘關於民風吏治之大不  
忍任其淪陷遂東邀邑紳劉君偉堂溫君天街諸君子銳  
志重修廼工未竣而吳君調遷所幸夢梅薛君繼領縣篆  
政修人和百廢俱舉而吳君發軔重修之邑乘亦因以竟  
志焉庚申仲春厥工告歲將付剞劂徵序於余余既嘉薛

吳兩賢侯之治又喜是邦人物之秀山川之奇且得是書  
推闡而詳誌之俾後之治斯土者覽此志得悉民俗之習  
尚易臻邛理焉守斯土者覽此志得悉地勢之阨要易固  
疆圉焉生斯土長斯土者覽此志得悉梓里純儒名臣烈  
媛節婦之嘉言懿行後先輝映易發憤而蘄進夫文明焉  
於是乎序

中華民國八年秋駐庾陸軍第二混成旅第四團第一營  
營長魯嶧劉繼德潤生甫謹序

大庾縣志

卷之二

序

六

序

大庾爲古梅國庾嶺蜿蜒形勝天塹一夫當關萬夫莫敵  
伊古兵學家謂爲贛南之門戶嶺北之鎖鑰誠不刊之論  
也余於丁巳秋來宰是邦見風俗之樸淳人物之優秀即  
私衷景仰不置公餘瀏覽縣志代有聞人相業學術爲江  
右冠備所謂地靈人傑是耶非耶惜乎舊志卷帙殘缺存  
版又燬於兵燹自前清咸同以迄于今山川之變遷屢矣  
後起之秀而輝映前賢者亦多矣滄海桑田白雲蒼狗種  
種色色特特奇奇不有以志之將代遠年湮語焉不詳而  
衣冠文物之邦不幾沉寂漸滅淪於蠻雲瘴雨之鄉也乎

大庾縣志

卷之一序

七

是縣志之重修有識者視爲當務之急奈值軍事旁午官  
紳疲於奔命無暇及此兼之經費奇絀有志未逮而耿耿  
此心終未嘗一日忘也今幸軍事停頓士民避難者半返  
鄉里余以爲庾邑經此鉅創而能轉危爲安純地形上之  
關係而縣志之重修更不容須臾緩也於是商之劉紳人  
俊溫紳天街許紳愛民魏紳達泉許紳獻廷林紳應南張  
紳卓立易紳元吉等或擔任纂修或擔任籌款首由余捐  
廉提倡從事設局分途進行諸紳悉熱心君子昕夕不遑  
罔辭勞瘁不數月而脫稿矣斟酌損益燦然大備適余感  
瘴癘得請給假赴省就醫病將小愈又作勞人仲夏量移

寧都之日正大庾縣志告成之時局紳走書告余屬弁言以爲首事之紀念愧余不能文且久病新瘳復爲簿書所苦安敢率爾操觚貽笑大方然忝與首事之列義不容辭聊書巔末以誌梗概竊謂萬事非財不舉茲有人焉持之以堅忍之心果毅之力則事未有不舉者觀此次大庾縣志成功之速未始非諸君子熱心毅力有以致之也余雖地隔數百里得觀厥成其忻慰詎不較諸君子十百倍蓰耶尙望後之覽者知所觀感努力前途增光縣志庶不負首事諸君子眾志成城搜集文獻昭示來茲之盛意耳是爲序

大庾縣志

卷之二

序

九

夏歷己未孟秋之吉晉給金質崇蔭章六等嘉禾章進級註冊記大功十三次薦補德安縣前調署大庾縣署理甯都縣知事湖北來鳳吳寶炬毅諳氏謹序

序

南服五嶺其在廣西者曰越城在湖南者曰臨賀曰都龐曰騎田而在江西者曰大庾秦漢以後迄爲重鎮有梅銷嘗戍于此迨唐張文獻公疏鑿孔道夾植梅林因又名梅嶺磅礴鬱積氣勢巍然距今大庾縣治西南約二十里許縣之稱大庾者以嶺著也前清爲南安府附郭首縣民國元年裁府留縣隸於贛南道區屹然樹邊徼之屏藩而管嶺嶠之門戶牽車服賈貿遷有無出於其途者鱗萃鶩集而奸宄不逞之徒時或潛伏於其間一旦有警則設防守險可坐鎮以攝內外之變孫子所謂善守者藏於九地之

大庾縣志

卷之一

序

九

下善攻者動於九天之上形勝之勢然也軍興以來盜賊繁滋蔓延百里焚殺淫擄殆無虛日人民流離失所喪其樂生之心余不敏來權是篆懼弗勝任竊幸旅長王公碧岑督師會剿六閱月而匪患平方將勤修內政與民休息適新志告成於以考鏡得失詳辨夫風俗物產之所宜駁駁乎達於求治之途或亦大輅之先導歟是役也前知事來鳳吳君毅諳朔始於前諸紳復分任以葺其事士著所及見聞斯確故事半而功亦倍顧余尤有進者周官誦訓之設掌道方志以詔觀事歷世雖遠遺意猶存今者史館宏開迭令各行省徵求志乘其以是編上應輜軒之采儻

亦壤流之一助云民國八年九月大庾縣知事宿遷薛雪  
夢梅甫謹序

大庾縣志

卷之一

序

十

重修大庾縣志序

庾邑據西江上游古稱險要宋以來文明漸啟亦儒雅邦也余乙丑莅任見乎山川形勝猶是而風景凋殘知爲痛創之後未知其典章文物率蕩然無遺也方欲求掌故以資治譜且爲續志詢邑人士無有應者嗣有人以道里圖進度廣輪不實求舊志愈亟益不可獲嗟乎秦火雖烈魯壁猶存顧獨無人焉出灰燼之餘抱殘而守闕更可慨矣維時戎馬倉皇興修未由今幸頻年大熟催科不勞而廢墜畢舉城濠旣浚祀典斯崇育嬰之費方籌課士之資再擴皆從前郡伯黃公後相與有成而修志之舉亦其一也

大庾縣志

卷之一

序

上

初無依據嗣由省購得舊志全集披閱一過始悉乾隆中前邑令余公光璧錄從府志加以已裁規模始具迨咸豐

元年郡守汪公

報閏

續修二冊各爲一書汪志距今未久

然而戶口之登耗人文之微顯習俗之改移吏治之優絀未可前後同觀就今所見二志余取備門類汪僅繼增雖無異同具有得失其所簡畧多忽於近即如疆域廣狹道路里數輿圖南北四正四隅按籍而求乃所志與前呈圖同一舛訛釐正之責後烏可諉况二十年中數遭變故水火刀兵之災忠孝節義之事言之動魄驚心失今不紀久恐無徵至承平之後興復建置例以編年皆不可沒然則

討陳編輯新紀俾藏室仍稱完好踵事之增曷可少哉余  
鑑前失每因公便親歷邊境詳諮父老故自繪輿圖數十  
里一方大畧麤備然終爲幅限仍多刪簡茲役初延石莒  
齊觀察徐晴軒別駕草創之繼延子功山長仙舫學博續  
纂先後數年始成全稿將以次付梓其爲考古證今補亡  
仍闕裁以義例綴以跋言具見苦心諸君子若任採訪若  
任校對又能斟酌盡善襄成信書以告先鄉昭示來許非  
徒爲余一人助理余幸素願之克酬竝爲此邦大典慶也  
抑更有感焉昔我從祖香泉公以詩人守南安受事日淺  
有惠政曾手輯郡志未竟後世猶稱之余修志差慰而碌

大庾縣志

卷之一

序

三

碌曠官不能及一物誦述先芬其滋惡也夫豈

同治十年辛未秋月即補同知知大庾縣事陳蔭昌謹序

續志汪序

余於庚戌孟夏來守南安下車之始卽行取各屬志書以備省覽惟大庾無以應緣志板早燬於火並舊刷亦無存者當此文獻就湮謂非守土者亟宜圖之乎因商之邑宰及兩學廣文搜求舊志久之始於故家子覓得一部蓋已絕無而僅有矣雖舊本不無殘闕模糊處而大體具備居然完書惟溯自乾隆戊辰修志之後迄今時逾百年其間嘉言軼事官舍既少文案可徵邑人又鮮紀事之作今欲續志仍如前志之綱舉目張不遺細末勢所不能猶幸道光初年有石

家紹

明府曾編輯續草一冊尙存堪爲依據

大庾縣志

卷之一

序

三

至近今三十年爲時未久邑人士尙有能記憶考徵者因卽就所見聞復加采訪補纂於石明府續草之次共爲續志二卷與舊志各成一書不使前後混淆其舊志中闕誤處亦因仍之不敢妄逞臆見冀存真面目也夫志乘爲信今傳後之書假所纂輯之始先不足以信今又烏能以傳後哉故是役也秉筆者咸慎守此意而猶未敢自信所續者果有當否用是別刻存之仍待後之君子論定若夫舊志越百年而再新或廢幾乎不無抱殘守闕之功焉是則重刊斯志之意云爾昔咸豐元年辛亥初秋知南安府事山陽汪報閏譔

續志楊序

自古邑有志猶國之有史師古曰志記也積記其事也蓋其事不過山川風俗人物政事其於今昔之異同人心教化之關係不記之無以知山川之不易無以徵風俗之淳薄無以見人物之盛衰無以考政事之得失入其境則茫然其何以供採覽資考鏡也哉顧邑志不可少尤不可廢也大庾之邑舊非無志閱今百餘年之久其間板籍湮沒欲復其初而卒未能究亦不得其人矣今桐階汪太守舉邑志事與明府廣文及邑人士遍搜遺志遺稿採訪增續不遺餘力未幾而書成曰大庾縣志二十卷曰續志二卷

大庾縣志

卷之一

續序

古

雖無著述之見而舊者仍之蓋其慎也續者有則書之闕而不錄非畧焉以取信也太守之心如此太守之賢不止此也今得太守而大庾有是志則大庾有是志安可視爲易易哉覽斯志也不僅積記其事而已洵足以助後之修志者供採覽資考鏡焉是爲序咸豐元年辛亥秋月同知南安府事光澤楊正祥撰

續志袁序

丙午歲中丞吳甄甫先生議修江西省志延門下士蔣君子瀟爲總纂命余與黃少鐵明府左右其事會中丞移節浙中朱丹木觀察陳臬陝西其事旋止而檄提全省縣志粗得披覽惟大庾闕如附見郡志假使當時草創有稿今余適宰是邑則踵事增修不難耳大庾爲五嶺之一以嶺名縣隋以前地志圖經皆不載事蹟唐張文獻鑿山通道風氣始開宋明人物始著

國朝乾隆初海禁盡撤洋貨駢臻四方貿遷絡繹南安府當江廣之衝遂成一大都會迄今百有餘年矣乾隆戊辰

大庾縣志

卷之二

續序

七

續修志板久燬於火從故家購得一部字多殘蝕然尙稱完書郡守汪桐階先生興廢舉墜籌欸重刻邑人士將續記二卷附刻於後夫舊志不增損一字缺者仍之慎也續志簡畧姑剗存之勿使失遺亦慎也後日欲重修省志停輶嶺北采訪諮諏較前此之無志而今有志且復有續志編纂者力簡而事賅矣豈非良二千石與邑之士大夫維持文獻之功哉咸豐元年歲次辛亥六月大庾縣知縣袁翼謹序